


Deficulità	Lunghëza te km	Dureda te h	Deslivel
Mesan	2,8Km	01:30	+ 160m - 130m



Descrizion dla jita

A ce fusties ti jons'a do ntan chësta jita?

Gherdëina à na storia agrera de cënc y cënc d'ani. Coche l'agricultura à mudelà la cuntreda, la cultura y l'architetura y coche la les caraterisea mo ncuei possen usservé scialdi bën ntan la jita di mejes sa Sacun. Nosta escursion nes mëina ala ravises de chësc ambient de vita y la nes dà nce n'idea de ce ndesfidedes che la/i paures dla valeda messova afrunté zacan di per di.

Cie nes aspieta pa?

La jita di mejes ne prejënta deguna deficultheies particulares y ie perchël adateda per duta la familia. De ndut van a pe per 2,8 km fajan n deslivel de plu o manco 350 metri. La jita dura de ndut n 2 éura, sce n fej la vijita meneda pra i mejes stan ora n 3 éura.

Ulà nes mëina pa la jita?

Pra la dlieja de Urtijëi tulons l Citybus che va sa Sacun. Canche furnon su pudons udëi i mejes Col de

Flam Dessot y Col de Flam Dessëura, che ie adès n 500 ani vedli. Zapon ora dla curiera sa Sacun pra la fermeda Banch y jon su per streda dal luech da paur tert-gotich Trëbe y da iló nchin dal luech dl Mëune, che va de reviers al 1453.

A man ciancia mëina su n troi marcà tres i prei sala dlieja da Sacun, che ie la dlieja plu vedla dla valeda. Da iló jons per n troi de viers de Santa Cristina per ruvé tres l bosch dal luech da Peza, che ie un di luesc da paur plu vedli d'Elpes che se à mo manteni tla forma uriginela.

Nosta jita fina pra la fermeda dla curiera Somont pra la ustaria dal medemo inuem.

Ogec dla jita

1.



MUSEUM GHERDËINA

Na udleda tla storia milenera de Gherdëina

2.



COL DE FLAM DESSOT

Mesc da na frabica sëula, partì tamez ju

3.



COL DE FLAM DESSËURA

Tublà cun l palancin tipich da fé secë la blava

4.



TRËBE

Pruvenienza de na dinastia de scultëures dl baroch

5.



FIGURA DE ANGIUL SUN NA NIBLA

Angiul de Gherdëina de 300 ani

6.



SANTA MARGARITA CUN L DRAGON

Pert de na grupa de cater figures de lén de n autere de familia

7.



DLIEJA DA SACUN

La dlieja plu vedla de Gherdëina

8.



CRIPL BAROCA CUN SZENA D'ADURAZION

Cripl da Nadel dla dlieja da Sacun

9.



L DRAP DE CURËISEMA DLA DLIEJA DA SACUN

La storia dla Ppcion per chi che ne savova nia da liejer

10.



PEZA

Un di mejes plu vedli che se à mo manteni tl raion a sud dla Elpes

11.



MËUNE

La cësa dl mëune da Sacun



Finanziert von der
Europäischen Union
NextGenerationEU



MINISTERO
DELLA
CULTURA